

Beba kin Melele ko Raurōk kin Jikin Jerbal eo an Ejmour ej Lale Kalijeklok

1115 Kōmelim Wāween Madmōd ko jet

Melele kin Kajitōk


Oregon enaj kajitōke juon kōmelim jen kakien ko an jikin eo an CMS ñan kōmmane jikin jermal eo an ejmour ej lale kalijeklok ilo an kōkmanmanlok oktak ko ibelakin kein jermal ko, kiil men ko rej kōmman likjab ko ikijen joortoklik im kejbarok, im lelok jibañ ko emōj kōmelele ikijen aikuju ko ikijen ejmour an armij ilo ien oktak kein.

Abnōnō im Melele ko Maanlok

Ilo juon abañ eo elabtata im jekjek ko rej make wōt ñan an juon uwaan OHP kajinet ilo ien oktak ko relab, im remaron jab tōbrak kin aer kalbuj, emōj kadiwōj er jen jikin kalbuj im ejellok imōn jokwe ekwon, ak emaron ejellok imōn aer jokwe ak rej ioon an wōr uwōta ilo imōn jokwe eo aer, ak rej bed ilo makūtūt in mour ko relab im rej kōmman an jab kwon aer bed, elabtata ejmour in mwil (einwōt, diwōj/deloñ ilo kejbarokin foster ak ej kab lotak juon ninnin), ak jabdewōt oktak kin men kein. Elabtata, ro uwaan doulul in emōj likūt aer kajinet eloñ kein jermal ko rebin make iaer kinke jikin jermal eo an ejmour an state ear jab kōmman ñan kakoba im kōlaajrak ibben kein jermal ko jet an armij ilo jikin eo im ro rej lelok jibañ ilo wāween eo ej kōmelim an aoleb koba ibben doon in lelok jibañ ñan an armij ro maron bōk jibañ jen kein jermal ilo wāween eo elablok an bidodod. Abañ kein relablok ñan ro uwaan bwij, jukjukinbed ko armij rejab mour kilier, im armij ro ewōr aer utamwe kinke kein jermal kein ekkā an likjab kein jermal ko aer im jibañ ko ñan lelok kejbarok eo ekkar ñan manit im kajin im ekkā aer jab tōbare armij ro ilo jikin ko rej bed ie.

Waanjoñok, jekdon elukkun lab tōbrak ilo an Oregon kadeloñ buki taujin rūtto ilo OHP iomwin lablok in Medicaid eo an state, armij ro ilo jikin ko ewōr kaljeklok rej ioon abañ ko rebin ñan kadeloñ ettaer ilo ien aer diwōj jen kalbuj. Mennin ej juon abnōnō kin an lab nañinmij ko rejab bōjrak im rekabobo, im nañinmij in kōmelij ko rejab kōmadmōd im jorrāān ko kin an armij aikuju wūno ko rekajur jen ibben armij ro ilo jikin kein. Likjab in lelok kein kakoba armij rein ñan joortoklik in ejmour im jibañ in ejmour ñan rikalbuj ro rej oktak einwōt juon jelōt eo elab kin joñan bōd ko an rikalbuj im lablok wonnen taktō ko rej kōmman oktak ñan ejmour ñan jolok likjab. Im ñan jodikdik im rūtto ro jimor, armij ro rejab mouj kilier elablok aer ioon mantin kalijeklok jen ro rar kalbuj ilo Oregon kin an kar wōr kōjenolok ko jen jemaan im kalijeklok ko ilo jikin jermal jen jemaan. Ilo Oregon, elab joñan rikalbuj ilo emmaan im armij ro remouj kilier jen kumi in armij ro jet roktak. Joñan jodikdik ro rej kalbuj elablok 6 alen ñan jodikdik ro rej RiKilmej jen jodikdik ro ReMouj Kilier.


Joñan jodikdik ro rej kabluj jen kajojo 100,000 armij ilo juon jikin kin rej riia/kumi in armij ro rej kobalok ibbeir: Oregon, Janwōde 2018



Kōkememey: Aoleb kumi in armij ko jet emōj kwalok ejenolok kumi ko rej Hispanic. Ejellok joñan ko an kumi ko jet. Wūnin: Obij eo an Oregon ej Bōk Eddon Jodikdik

Laajrakin oktak ko kin an armij riia/armij ro rej kobalok ibbeir elukkun lab an einwōt juon ñan jikin kalbuji eo ilo bukon eo an Oregon im armij ro rej kalbuji.

Armij ro rej kalbuj kin rej riia/kumi in armij ro rej kobalok ibbeir ñan kajojo 100,000: Oregon 2018



Kōkememej: Aoleb kumi in armij ko jet emōj kwalok ejenolok kumi ko rej Hispanic.
 Wūnin: Objij eo ej bōk eddon bōnōbōn ko an jimwe (imōn kalbuj) im Ra eo an Oregon ej bōk eddon Kalbuj (imōn kalbuj ko relab)

Armij rej aikuj jibañ ko inabojin jikin jermal in ejmour eo ñan aer tōbrak ilo oktak kein. Iomwin yiō ko joñoul remootlok emōj an alikar ke jibañ in ejmour ko make iaer rebañ lale abnōnō ko ikijen ejmour ilo aer jab bar lolorjak aikuj ko raurōk an armij einwōt imōn jokwe, mōñā, im aikuj ko jet. Ilo an joñan im jejetin ien an etal jibañ kein aurōk, katak ej kwalok ke jekjekin armij eo ilo jikin jokwe eo, mwilier, im mejatoto ko rej jokwe ie rej men ko kein kajuon kin ejmour im rej lelok emaron 80 bōjjāān in jemlok ko ikijen ejmour. Ñan lolorjak ejjetet jibañ in ejmour ñan lale nañinmij im jibañ ejmour, jikin jermal eo aikuj lelok kōmadmōd ñan aoleben armij eo.

Ñan ro rej eñtan kin an jab kwōn imōn jokwe eo aer, melelein mennin ej kajinet an koba imōn jokwe, kōlaajrak kejbarok im jibañ ko ñan bōk im kejbarok imōn jokwe ekwōn im ejmour ñan kajojo armij ro im baamle/armij ro rej jokwe ibbeir aoleben ien emaron. Mennin ekoba lale aer lelok jibañ ko rekkar ñan manit im kajin im melele kin jorrāān ñan jukjukinbed ko an bwij, jukjukinbed ko armij ro rejab mouj kilier, im jukjukinbed ko an utamwe, im emōj aer ion kalikjelok ilo jikin jermal eo an ejmour ilo tōrre in im jen jemaan im elab ae kōjenolok ilo bōnōbōn ko an ro ejellok imōn aer jokwe. Mennin ebar koba aikuj eo ñan lukkun lale an emmonlok kōlaajrak kejbarok im lolorjak an woñmaanlok joortoklik ilo ien oktak ñan ro uwaan doulul eo elabtata aer aikuj jibañ in taktō im ebin aer bed ilo jikin jermal in ejmour eo ikijen mwil, elabtata ilo ien an itōk ñan ro rej lelok jibañ ikijen manit.

Lomnak, Kōtōbar ko, im Madmōd:

Lomnak: Oregon ej kōmman jikin jermal in ejmour ej lale an ejellok kalijeklok im ej lolorjak ke armij remaron bōk jibañ ko raikuji (jibañ in ejmour ak bar juon) ñan tōbar ejmour im ainemmon eo elabtata joñan, elabtata ilo ien ko ewōr oktak.

Juon “**jikin jermal an ejmour ej lale an ejellok kalijeklok**” ej juon lomnak kāāl ej kōmman kejbarok an armij¹ ilo an kile ke armij ro kajojo rejab bōk eddo in ejmour ko aer make im loe jibañ eo ilo ien eo jikin jermal eo ej kōmmane joñan eo elab ilo an karōke mejatoto eo, ekoba kelet ko ak likjab in kelet ko rej lelok ñan armij eo.

Kajeoñ in kōmmane juon jikin kein jermal in ejmour ejellok kalijeklok ikijen ejmour ilo ien eo aoleb armij remaroñ tōbare aoleben joñan ejmour im ainemmon eo remaroñ im rejab jerata kin lal, jowi, kajin, utamwe, kōrā ak emmaan, aer mour einwōt rej kora ak emmaan, aer kōnaan kōrā ak emmaan, joñaer ilo jukjukin bed, jikin kakoba ikōtaan jukjukin bed kein ak aer kowalok kajier, ak jekjek ko jet emōj loi ilo jikin eo.

Einwōt an mōj kōmelele ilo ejellok kalijeklok kin ejmour im emōj an Oregon¹ kōjermal, tōbar mennin ej aikuj an wōnmaanlok an aoleb bukon im jikin ko ilo state ibben doon, ekoba kien ko an bwij ñan lale:

- Bwe en joñan wōt juon aer ajej ak bar ajej mennin jibañ im kajur; im
- Kile, bar errā ibben doon, im kajimweik kalijeklok ko jen tōrre ko maanlok im raan kein.

Kōtōbar ko

- Kōlablok kōlaajrak in kejbarok im jibañ ko ejab ilo jikin taktō ñan ro uwaan rej oktak ibelakin jikin jermal ko ñan kōkmanmanlok jemlok ko, ekoba kapidodo aer maron tōbrak im bōk joortoklik.
- Jolok abañ ko ikijen aer bōk jibañ in ejmour ko raurōk, ekkar ñan manit im kajin ñan ro uwaan OHP.
- Kaurōk kumi in armij rej ion kalijeklok ko ilo tōrre in bwe bukraam in Medicaid an Oregon en tōbar an ejellok kalijeklok ilo jikin jermal in ejmour eo an.

Madmōd im Wāween Kōmadmōd ko Remaron ñan Tōbar Kōtōbar

Buñten ko ilal ej kalikar madmōd eo aikuj ñan tōbare kōtōbar ko amim. Kalikar ien ko ñan kaitōklok joortoklik in Medicaid, kadeloñ ro uwaan ñan juon CCO, innem aliktata kakobaiki er ñan jibañ ko rej aikuj ilo an jab kabōjrak ak kadikok jorrāān ko rej walok jen ejmour in mwil, ejellok imōn jokwe, kalbuj, im bar kōmman bōd alikin kalbuj. Jelōt ko jen jāān remaron kar lablok aer jelōt ejab ñan Medicaid, bōta ñan bulijmaan ro ilo jukjukinbed im jikin jeral ko an kalbuj, imōn kalbuj ko an bukun, state, wonnen imōn kalbuj ko an federal, im men ko jet.

Buñten 1. Kalikar oktak ko rej kakkure im remaron kar labtata aer emmon jen kōlaajrakin ejmour eo an jidik ien emōj kōlablok im lale keij.

Kakoba armij, ro mōttaer, im ro ewōr kwōnaer emōj kalikar ke ien oktak ko laajrak elabtata aer kōmman bōjrak ñan ro uwaan im emaron lab wonnen ñan kein jeral eo. Oktak kein ekka aer abañ kin uwōta ko remaron walok ñan armij eo uwaan doulul eo ej ioone elañe enaj luuji joortoklik ak kejbarok eo ilo ien an bed nañinmij ko rejab jako, abañ ko ikijen ejmour in mwil, im wāween ko jet ilo jikin eo. Lale oktak eo make lok ian ej kōmelikm an lablok jibañ ko ñan ro uwaan doulul eo im remaron kar bōd aer kakōlkōle er im remaron kar jab lolorjake er. OHA enaj jeral ibben ro mōttan ñan an woñmaanlok in lale laajrakin oktak ko armij ro an rej ioon

Jekjek ko rej kōmman Jibañ in Oktak ko Emōj Kōlaajrak:

- Oktak ilo/jen jikin kalbuj ko, ekoba ro ilo jikin ko an jodikdik
- Oktak jen deloñ ko ilo aujbitol ñan bōk jibañ in kōmadmōd ilo an wōr abañ kin an kwōn imōn jokwe ak ro ejellok imōn aer jokwe
- Oktak ñan/jen jikin kōmadmōd ñan lomnak, ekoba jodikdik, kin likiō in jibañ im aikuj ko ikijen armij im raurōk ñan an tōbrak an kwōn
- Oktak ñan/jen imōn jokwe in kejbarok ko an foster, ekoba ro rej rūttolok jen aer bed ilo kejbarok in foster.
- Oktak jen ien eo emōj kōlotak (ninnin im baamle)
- Bōbrae jen jorrāān in ejmour in kōmelij elab ak mour jen juon jorrāān in ejmour in kōmelij

Buñten 2. Kōmelele aoleben Jibañ in Oktak Emōj Kōlaajrak kin jibañ ko an kajojo oktak ko emōj kalikar.

Maron in lelok kōmelim emaron kōmman ñan jekjek ko rekāāl ilo jikin jeral eo an Medicaid im ej kōlaajrak an jolok kalijeklok ko ilo ejmour ilo an lab an lale “ilo an ejellok jibañ ko” (ILOS) kōjeral jibañ ko roktak im ilo jukjukinbed rej lale aikuj ko an armij ikijen ejmour. Kōjeral ILOS ko rej jibañ kōlablok jāān ñan jukjukinbed im jolok aban ko ilo kōmman muri im jen jemaan rej kōjenolok ro mōttaer im CBO ko, ilo aer rōjañ in kapidodo aer maron bōk jibañ ko elabtata aer ioon aikuj ko an armij.

OHA enaj jeral ibben CMS, ro mōttan im ro ewōr kwōnaer ñan lale jejetin jibañ ko renaj kobalok ilo Jibañ in Oktak ko Emōj Kōlaajrak ñan kajojo oktak aurōk, ekoba kalikar makūtkūt eo ej kalikar, maron tōbrak im wāween kōmadmōd kin jāān ko rekkar. Bakij kein rej kakobaba in jibañ in taktō im ejab taktō emōj rōjañ im enaj koba jibañ ko einwōt:

- Aikuj ko an armij in jikin eo ikijen Eymour (einwöt kōlablok likiō in jibañ ko im jibañ ko an imōn jokwe ñan lolorjak ke ro uwaan doulul eo remaron kabin im kejbarok moko mweir ilo aer lale aikuj ko aer raurōk kin eymour im jibañ.)
- Jibañ ko an kōlaajrak Kejbarok (einwöt jibañ an emmon aer lelok jermal ñan ro jet, jibañ ko alikin kakōlkōl/jibañ ko moktalok ilo madmōdin bōk kwōnaam, mokta jen kōmadmōd)
- Jibañ ko kin kein jermal in kajinet (einwöt, kajinet kin imōn jokwe, kajinet kin lale ajiri)
- Kaitōklok joortoklik (einwöt 30 raan in joortoklik ibben OHP mokta jen diwōj jen Ra in Kalbuj ko an state im federal ilo jikin ko ilo Oregon)
- Jejetin jibañ in taktō ko emōj rōjañ (einwöt jibañ kin dyadic ñan oktak ko ilo kejbarok in foster)
- Jejetin rōjañ ñan loe ro rej lelok jibañ (einwöt, jibañ ko rej lelok jen ro mōttaer, rijermal in eymour an jukjukinbed)

Buñten 3. Kōlablok jikin jermal in eymour in mwil ñan kōkmanmanlok jibañ ñan armij ro uwaan doulul eo, elabtata ilo ien oktak im ilo aoleben mour ko aer.

Oregon Health Plan ej lelok juon bakij in jibañ kin eymour ikijen jibañ ko ikijen eymour in mwil, bōtab Oregon ej ioon eloñ abañ ko kin joñan armij eo elabtata ilo eymour in mwil, jikin jermal im ro remaron bōke. Joñan armij ro elabtata im jikin jermal rej tōbare ilo aer jermal kin joortoklik ko an jāñ ko an state ñan kakajur abnōnō ko. Joortoklik kein renaj jibañ bōke jibañ ko ilo an kōmman an lablok an wōr im renaj lale aer lolorjak ke ewōr ro rej lelok jibañ im rekkar kin manit im kajin ñan armij ro. Bōtab, ñan bōk aoleben joñan jibañ ko Oregon ekōnaan, oktak ko raurōk rej aikuj kōmman ilo kein jermal eo an Medicaid kin juon maron in kōmelim.

Ñan ajiri, oktak kein rej lale kōkmanmanlok an armij maron bōke jibañ in eymour in mwil ibelakin state eo kin kōlablok ak kaitōklok joortoklik, lolorjak an armin maron bōke ekkar ñan joñan kejbarok, im kōmman bwe eloñ jikin jermal ko renjab bōk kwōnaer ñan jolok mantin kalijeklok im kōmman aer bōk aoleb kejbarok eo ekkā.

Ñan rūtto mennin ej kakoba an emmonlok etale nañinmij in buromoj, ro rej kōnaan man er make im kakōlkōlin nañinmij ñan rūtto ro ewōr aer nañinmij in eymour in mwil im rej rūttolok ilo jikin jermal eo, im ekkā aer ioon oktak in kejbarok ko rej make wōt ñan armij ro ilo jikin in.

Mennin ekoba ien ko ñan kōlablok jikin jermal in jorrāñ in eymour in mwil im ñan kōlablok an jermal jibañ ko ekkar ñan ro rej joñan wōt im jermal in eymour ko an jukjukinbed. Mennin enaj bar kōlablok ien ko ñan kōjermal kōmadmōd ko ekkar ñan jejetin manit im rej kile armij ro rej lelok jibañ ñan er.

Buñten 4. Lolorjak ke jikin ko rej lelok jibañ im ro rej lelok jibañ ilo jikin ko ejab jikin eymour ewōr aer kein jermal ko, katak in kaminene im jibañ eo aikuj ñan aer bōk kwōnaer einwöt ro mōttaer rej lelok kejbarok ñan armij ro uwaan doulul eo.

Ñan aer maron lelok kejbarok ñan aoleben armij eo, kōlaajrak im kobalok ibben ro rej lelok jibañ im ro mōttaer ilo jikin ko ejab jikin eymour enaj aikuj joortoklik ko ilo jikin jermal ej kakoba Medicaid ibben ro rej lelok jibañ ñan armij im bareinwöt joñan jibañ ko ejab an jikin eymour. Mennin ej kakoba

ien ko emōj kwalok kin juon wāween kōmadmōd “im ejab jibañ”, im kakajur katmān ko emōj rōjañ ñan jibañ ko an armij im jibañ kin ejmour in mwil ñan ro uwaan ICC.

Buñten 5: Kōkmanmanlok madmōdin etale ko ñan lolorjak ke armij ro rej bōk kwōnaer ilo kein jermal ko reloñ emōj kalikar er ñan jibañ in kōlaajrak ko relablok im rej bōk kejbarok eo rej aikuji.

Emōj an CCO ko iminene im kiō ewōr aer kumi in keij ko relab/kōlaajrak kejbarok ko relab (intensive case management/intensive care coordination, ICC) ñan madmōde aikuj ko an ro uwaan OHP ikijenn ejmour in enbwin, ejmour in mwil im jorrāān/joñjoñ/kōmadmōdin wūno ko rekajur, aikuj ko ikijen taktō in ñi im NEMT ñan boklok jibañ ko an Medicaid im kakien ko kin jibañ ko ikijen ejmour im rej kakien ñan jibañ ak men ko rejab maron rool wonneir im rej kobalok ñan jemlok ko ikijen taktō. Bōtab, kajojo armij ro emaron lablok aikuj ko aer ñan aoleben jibañ kein remaron bed “jikin ko juon” im CCO ebañ tōbare. Aoleb jibañ in CCO ko emōj kar katmāni ilo maron tōbrak ñan OHP, kadeloñ im jolok tōkelik im lelok ñan juon CCO ilo jikin eo rej jokwe ie.

Ñan an state eo maron kōlaajrak kejbarok (armij ro rej bed ilo CCO), aikuj lablok wāween ko emōj kōjerbali ñan etale kōlaajrakin kejbarok im ICC.

Kakien ko im Wāween Kōmadmōd:

Beba kin melele ko raurōk ej kōmelele wāween an maron in kōmelim eo kōtlok an wōr jekjek ko rekāāl ilo kein jermal eo an Medicaid im ej kōlaajrak an jolok kalijeklok ko ilo ejmour kin joñan ko relab im ejab jibañ ko kōjerbal jibañ ko jet/jukjukinbed ñan kōlaajrak an oktak jibañ jen jikin ko rar deloñ ie, einwōt imōn kalbuj ko im IMD ko, im emmonlok aer bōk jibañ ko ikijen ejmour im SDOH. Ñan kōmmene mennin, Oregon enaj kajitōk kōmelim ko ñan mennin aikuj ko kar mokta im rej kobalok ibben laajrak eo an jikin taktō ñan maron tōbrak ñan jibañ im kolla kein. Men kein renaj jibañ jen laajrak eo kin mennin abañ ko ilo jikin, einwōt ejellok imōn jokwe, im lablok an armij kobalok ilo kein jermal ko reloñ ak joñan kejbarok, im emaron kōmman an kōlaajrak jibañ ko relablok im rej kōjerbal doulul ko ilo jukjukinbed, ilo ien aurōk ñan lelok jibañ ilo ejellok kalijeklok im jab kin ak kobalok ñan doulul ko an taktō.

Kōmelim kin wāween kōmadmōd ko emōj lemaanlok

Kōmelim mennin aikuj ko moktalok ñan kōjerbal laajrak eo an taktō ñan jet jibañ im kolla ko an Jibañ ko ilo len Oktak Emōj Kōlaajrak

Oregon ej kajitōk kōmelim ko ñan mennin aikuj ko moktalok ikijen laajrak ko ilo jikin taktō ñan kamool jibañ im kolla ko. Mennin enaj kōmman an Oregon jibañ ro uwaan doulul eo im rej bed ilo oktak ko emōj kalikar ñan bōk Jibañ ko an len Oktak Emōj Kōlaajrak im emōj likūt ijin loñ, ñan lelok jejjetin jibañ ko “im jab jibañ in taktō” ñan aikuj ko an armij ikijen ejmour im relablok jen jibañ ko rej bed ilo joñan eo ekkar im rool wonneir.

Ta melelein mennin ñan ro uwaan OHP?

Ro uwaan OHP im rej ion jet jekjek ko ak oktak ko ilo aer deloñ im diwōj jen jikin jermal ko roktak remaron loe jibañ ko relablok im kōlaajrak ilo ien oktak eo. Jibañ kein renaj bar kalikar moktalok im renaj koba jibañ in taktō ko emōj kōlablok, einwōt bōk jibañ in taktō ko moktalok, im bareinwōt men

ko elab aer jibañ jemlok in ejmour ko an juon armij bōtab rejab watōke rej jibañ in taktō (waanjoñok, jolok abañ ko ñan bōk ak kejbarok imōn jokwe).

Kejbarok im jino mokaj in kadeloñ āt ilo Medicaid ñan kajojo armij ro rej kalbuj, im bareinwōt ro ilo jikin kalbuj ko jet, im joñjoñ ñan ICC

Wāween kōmadmōdin ej jibañ jikin armij ro ruo roktak im rej ioon abañ ko rej einwōt.

Kajojo armij ro rej kalbuj:

Kōtlok an ablikajon ko an OHP kdedelok lok ñan 30 raan mokta jen raan in diwōj eo an rikalbuj in DOC im kaju kadeloñ CCO ilo ien emōj kōmmāne ke emaron tōbrak.

Juon madmōd emōj bebe im lelok melele ewōr kadede ibben rijerbal in taktō ro an DOC im ro mōttaer rej būrobajen im lale rikalbuj ro rej diwōj ilo jukjukinbed. Bōtab, ejellok maron ilo tōrre in ñan kōlaajrakin kejbarok im lale keij eo elab joñan in an diwōj juon rikalbuj in DOC kin juon Douluul in Kōlaajrak Kejbarok ilo jikin eo rikalbuj eo ej rool ñane kinke jikin jermal ko an tōrre in rej karumij maron tōbrak ñan OHP eo an Oregon im buñten wonnen ko an CCO.

Wāween kōmadmōd in ej bar koba wāween kōmadmōd eo mōttan ejejjēt ñan kabidodo oktak ko im kaitōklok joortoklik ñan kajojo armij ro rejañin nae ruer kin juon bōd in kakien im likūt er ilo jikin kalbuj ko ilo jukjukinbed mokta jen aer kōmadmōd iloan jikin ekajet ak ro rej kadedelok ien kalbuj ko aer ilo imōn kalbuj ko ilo jukjukinbed im rej kadiwōj er ñan jukjukinbed eo.

Im bareinwōt, mennin enaj bar einwōt ñan ajiri, im enaj kōmman im/ak kejbarok joortoklik in OHP/CCO ñan jodikdik ro rej bed iloan jikin jermal eo an jodikdik.

Kajojo armij ro rej kalbuj:

Wāween kōmadmōd eo enkar ñan an maron tōbrak kajojo armij ro emōj kadeloñ ettaer ilo Oregon State Hospital (OSH) ñan jab diklok jen jidikin ien ko rar bed (raan ko 30 mokta alikin aer deloñ im/ak ilo ien eo armij eo ejako an aikuj joñan kejbarok eo an OSH), CCO ko remaron bōk kwōnaer ilo ien aitōklok im remaron aer eddo ilo yiō in jermal eo ñan kōlaajrak oktak kein. Im bareinwōt, mennin emaron jibañ abañ ilo jāān eo elab im OSH ej kiō kōjermal jen bajet eo an OHA.

Ebar wōr kōjenolok kin joñan armij ro rejab mouj kilier im rej deloñ ilo OSH. CCO ko remaron lablok aer jermal ñan kakoba armij ro rej aikuj jibañ in kōmadmōd eo elab ñan jibañ ko rej bed ilo jukjukinbed im jab kōlablok ñan joñan eo rej aikuj jibañ ko an OSH. Mennin enaj jibañ CCO ko im aurōk eo elablok kōmman aer jab kōjermal joñan kejbarok ko elab mo einwōt OSH.

Ta melelein mennin ñan ro uwaan OHP?

Ñan ro uwaan douluul eo im rej oktak ilo aer deloñ im diwōj jen imōn kalbuj ak jet imōn jokwe ko rej lelok kejbarok, melelein mennin ej joortoklik eo an OHP enaj woñmaanlok ak aitōklok, ilo jet jekjek ko, ñan lolorjak an armij maron bōk kōlaajrakin kejbarok ilo jidikin ien eo juon armij eo uwaan douluul eo ekalbuj ak emōj kadeloñ ilo kalbuj ñan jibañ an bidodolok aer oktak im bar rool ñan joortoklik eo an OHP.

Kaitöklok Maron Tōbrak ñan OHP ñan aoleb ajiri ñan aikuj ko ikijen kakōlkōlin ejmour in mwil

Mokaj in lelok jibañ ilo jekjek in ejmour ko an mwilin ajiri emōj kwalok ke emaron diklok jelōt in nañinmij in ejmour ko an kōmelij im lelok melele, aer make lale/make kakien im mour. Elañe enaj kalikar nañinmij ko rej kōmman utamwe ilo ien am dik, jibañ ko aikuj ilo jikuul, im jikin ko an jukjukinbed im baamle remaron lewaj ilo an ekkar. Im bareinwōt, jibañ eo an baamle jen kobalok ilo kein lale ko an joñjoñ im madmōd einwōt ro mōttan im elabtata aer melele kin aikuj ko an ajiri eo nejeir make.

Kin men kein, wāween kōmadmōd eo mōttan emōj kajitōk ilo 1115 Kōmelim in CMS eo an Oregon ej lale kajitōk eo ñan kaitöklok Deloñ in Āt ilo OHP ñan Maron Tōbrak/CCO ñan kajojo ajiri ilo ien kakōlkōl aikuj ko an ejmour in mwil. Maron tōbrak eo an ajiri eban bedbed ioon jekjekin kolla eo an jinen im jemen ilo ien in im injuran bōtab renaj bedbed ioon men ko im kōmelim aer bed ilo jikin eo toon wōt aikuj eo an ejmour in mwil im/ak aikuj eo ñan an woñmaanlok kōmadmōd im/ak jodikdik eo emōj loe emaron tōbrak einwōt juon rūtto (emōj an rūtto yiō eo an ñan bed ilo jikin jermal eo).

Ta melelein mennin ñan ro uwaan OHP?

Maron tōbrak ñan OHP im kadeloñ āt ilo CCO enaj kamool ke kajojo jodikdik kin juon nañinmij in ejmour in mwil emōj kalikar enaj mokaj an bōke joñjoñ eo jen kein kamool im bōke jekjekin kōmadmōd ekkar im Joñan Kejbarok (Level of Care, LOC) emōj kalikar jen aikuj ko aer, jekdon kin kolla eo an baamle eo aer im ear kōmman aer jab maron tōbrak ñan OHP.

Kaitöklok maron tōbrak ñan OHP jen niñniñ ej kab lotak ñan joñan yiō 26 ñan jibañ an Woñmaanlok Kejbarok kin ejmour in mwil ñan ajiri

Emōj an Oregon (im bar state ko jet) ioon abañ ko ñan tōbar aikuj ko an jodikdik ro ewōr aer aikuj ikijen ejmour in mwil ilo ien aer oktak jen jibañ ko an ajiri (emaron joñan yiō 18 ak 21) ñan jibañ in ejmour ko an rūtto. Woñmaanlok in Kejbarok an Oregon ñan Ajiri in OHP ko Remaron Tōbrak/emōj kadeloñ ilo CCO ej juon kein jermal eo ekajur im elablok jen ta eo ewōr ñan jodikdik ro ewōr aer bebe in injuran ibben bijnej ko. Mennin ebar mool kin oktak eo jen jodikdik ñan rūtto kin kein lale ko ekkar ñan kein kamool im relabtata im kajur tata im ewōr wōt mae ien oktak in. Juon oktak ekkā ilo yiō kein ej jodikdik ro rej “rūttolek” jen jikin jermal eo an obij eo ej bōk eddon ejmour im ainemmon an ajiri im kejbarok eo an foster bōtab rejañin de maron lale er make kin nañinmij in ejmour in mwil ak maron lale er make kin jāān ñan bōk aikuj im kejbarok ko aer make.

Wāween kōmadmōd eo mōttan ej lale katak in armij eo kiō ilo eddeklok in kōmelij im emaron lelok jibañ ko ekkar ñan eddek im jibañ jodikdik ro ikōtaan joñan yiō 18 im 26.

Mennin enaj kōmelim an ajiri im rūtto bed wōt ilo woñmaanlok eo an tōrrein alikin raan in kemem eo aer bwe en 18 aer yiō. Enaj jibañ an diklok oktak ko rejab aikuj ikōtaan jikin jermal kein im ro rej lelok jibañ. Im, enaj bar lale likjab ko relab ilo woñmaanlok eo ad im ej kōmman jorrāān ko ilo jikin jermal im kalbuj ko relab wonneir. Kōmelim jibañ ko an ajiri ilo tōrre in im rej kolla jen ibben Medicaid renaj muri jen ien lotak ñan 26 yiō renaj kōmman an bidodo an CCO ko im Kakien in Madmōd ko an Oregon ñan woñmaanlok in lelok jibañ ko ekkar ñan kein kamool emōj aer bōke mae ien eo rej bed ie kiō.

Eloñ jodikdik im rütto ro kiō rej “jolak” jibañ ko alikin aer etal jen jikin jermal eo an ajiri im obij ko rej jibañ ajiri (child welfare, OYA, im jikin ko jet). Rejab bar rool tōk ñan BH kinke jikin jermal eo an rütto eotak im ekkā an jab lale aikuj ko kin joñan eddek eo ekkar (einwōt, jodikdik). Eloñ ajiri rein im jodikdik ro rej itōk jen jukjuginbed ko armij ro rejab mouj kilier, LGBTQAI +, ro uwaan Bwij ko an Oregon im emōj aer ioon an ejellok imōn aer jokwe, IDD ak jeramol.

Aliktata, kejbarok Maron Tōbrak in OHP/Kadelon Āt ilo CCO ñan armij rein ilo jikin in enaj kōmman im kejbarok an bin ñan an jodikdik ro im ro rettolok jen jikin jermal eo jelōt kin kakwōn in wonnen ko im kōjermal ro mōttaer ilo joñan jikin jermal eo an jukjuginbed (bulijmaan, kalbuj, jelālokjen, imōn jokwe, im ro jet).

Ta melelein mennin ñan ro uwaan OHP?

Jodikdik ro ewōr aer aikuj in ejmour in mwil remaron woñmaanlok in bōk joortoklik in OHP ñan jibañ kōlaajrak in kejbarok im jibañ ko ilo aer oktak ñan rütto.

Kejbarok juon joñan lale eo elabtlok ñan jibañ an lablok im utiejlok juon jikin jermal kin jorrān in ejmour in mwil ej ibben doon im an aoleben state eo

Ñan madmōde aikuj ko an federal bwe state ko ren kōjermal 988, Oregon aikuj kōmmane juon jikin jermal kin jorrān eo ekajur, ekoba juon jikin kall. Ñan kōmmane mennin enaj aikuj kein jermal kabel in melele ñan kōmman im kōmadmōde jikin kall eo, im enaj aikuj kōlaajrak ibben jekjek ko jet ilo beba in kin melele ko raurōk, einwōt Jibañ kin Oktak ko Emōj Kōlaajrak.

Mennin emaron kadiklok oktak ko ilo ejmour im kalijeklok ko ilo ejmour ilo an kōmmane juon wāween eo ekāāl ñan an armij rein elab aer kar ioon kōjenolok jen tōrre ko jemaan ilo Oregon im ñan kōmmane bar juon wāween ñan an armij ro rejab kōnaan bwe ren kūrlok 911 kinke rejab kōnaan bwe bulijmaan ren kobalok. Mennin emaron kōmmane juon oktak eo ñan jukjuginbed ko elab aer ioon kalijeklok im jukjuginbed ko armij ro rejab mouj kilier.

988 im juon jikin jermal in jorrān eo ekajur emaron jikin eo imaan ñan armij ro rej ioon jorrān jen jabdewōt ejmour in kōmelij ak kōjermal wūno kajur. Emaron kakoba armij ro ñan kejbarok eo ien eo wōt im ekkar im jolak er jen jikin idin jorrān im jikin jermal eo ej lale bōd in rubrub kakien.

Ta melelein mennin ñan ro uwaan OHP?

Ilo an wāween kōmadmōdin jab kaju jelōt ro uwaan OHP, elañe renaj tōbare ejjā joñan eo elablok, emaron wōr joortoklik eo elablok im juon idin jermal ñan kōmmane juon kein jermal in jorrān ej emakūtkūt ibelakin state eo.

Kōjermal jibañ ko an ro mōttaer im Rijermal in Ejmour ro an Jukjuginbed

Kōmelim an ro mōttaer im rej jino ejmour bwe ren kolla kin aer lelok jibañ ko aer inabojin juon bebe in kōmadmōd an tōrre ko maanlok (einwōt, kōmadmōd mokta im alikin) ak oktak im kōjermal jibañ ko ñan bar kōtlok jibañ ko inabojin kein lale in taktō eo ekkā ej lale aikuj ko an armij in jikin einwōt kōmelele ilo wāween kōmadmōd in jorrān im bar kōmelele tōkelik kin jibañ ko ikijen imōn jokwe. Wāween kōmadmōdin emaron kobalok ñan wāween kōmadmōd eo an Jibañ kin Oktak ko Emōj Kōlaajrak.

Mennin enaj kōmman an lablok an armij maron bōk jibañ in jibañ ko ilo ejellok kalijeklok ilo an kōlablok an armij ro einwōt er bōk jibañ ko ilo jukjukinbed im remaron kakoba armij ñan bōk jibañ in taktō elañe aikuj im jab elañe ewōr jibañ ko jet remmonlok im lablok jibañ. Armij ro ewōr aer jorrāān kin wūno ko rekajur im jorrāān in ejmour in kōmelij elab aer jelōt jen aer jab maron bōk jibañ in taktō, koba kin abañ ko ñan jibañ in ejmour ikijen mwil.

Ta melelein mennin ñan ro uwaan OHP?

Wāween kōmadmōdin ej lewaj wāween ko jet ñan an armij bōk kwōnaer ñan bōk jibañ im ej lelok jibañ eo elablok ilo ien aer mour ilo ien eo jinointata im emaron kōmman an emmonlok jemlok ko.

Emōj dābij joñan eo elabtata ñan ajiri ro rej bed iomwin eddo eo an obij eo ej bōk eddon ejmour im ainemmon an ajiri

Ajiri ro rej bed iomwin eddo eo an obij eo ej bōk eddon ejmour im ainemmon an ajiri ilo Oregon ewōr aer abañ in ebōk kejbarok eo ejimwe, ilo ien eo ejimwe ñan joñan ien eo ejimwe – labtata ilo an ikijen Jibañ in Kōmadmōd Kōmelij ilo Imōn Jokwe (Psychiatric Residential Treatment Services, PRTS). Wāween kōmadmōdin enaj jibañ joñan eo elabtata emōj kōjenolok ñan ajiri ro rej bed iomwin eddo eo an obij eo ej bōk eddon ejmour im ainemmon an ajiri kin joñan kejbarok in.

Mennin ej kōmelim juon bōjjāān in joñan eo elabtata ñan PRTS ñan an ajiri ro ilo Obij eo ej bōk eddon ejmour im ainemmon an ajiri im ej ioon aikuj eo ikijen taktō ilo an lelok kolla eo elabtata joñan emōj kōjenolok ibben Medicaid ñan “dābij jikin” ñan jejetin armij ro rej bed iomwin eddo eo an state.

Ajiri ro rej bed iomwin obij eo ej bōk eddon ainemmon im ejmour an ajiri elab aer kōjenolok jen jukjukinbed ko armij ro rejab mouj kilier im jen baamle ko rej ioon jorrāān jen aer kōjerbal wūno ko rekajur im jelōt jen aer jeramol.

Ta melelein mennin ñan ro uwaan OHP?

Mennin enaj kōmman bwe obij eo ej bōk eddon ejmour im ainemmon an ajiri im ajiri ro rej bed ilo kejbarok ilo state ñan aer jino ebōk jibañ ko rejimwe, ilo ien eo ejimwe, ilo joñan ien eo ejimwe, elabtata einwōt an ikijen ajiri ro rej aikuj PRTS.

Wāween kōmadmōd ko rejjet ñan Bwij

Oregon ej tiljek in jerbal ibben Ruwatimjuon Bwij in Oregon ko Emōj an Kien eo an Federal Kili, im Burokraam in Ejmour eo an Armij in Indian ilo Jikin ko Elab armij (UIHP) ñan kalikar wāween ko ñan jibañ lolorjak ke kōtōbar in kejbarok ejmour an bwij retōbrak ilo aer kile madmōd ko an bwij jen etto im dābij an kien ko jerbal ibben doon ikōtaan lal ko ewōr aer ritel im state eo. Ilo kwelok ko ñan rainnin, emōj an bwij ko kalikar eloñ aurōk ko ñan lomnak iloan juon kōmelim, ekoba:

- Ekoba kōmelele ko im joortoklik eo elablok ñan jejetin jerbal ko an bwij
- Kadiklok abañ in jerbal eo ikijen kōmman muri im karool jāān
- Burokraam ko ewōr rej woñmaanlok im emmon aer jerbal

Kwōmaroñ bōk beba in ilo bar jet kajin, jeje ko relab, jeje ko an ribilo ak ilo juon wāween ko kwōkōṅaan. Kebaak Burokraam in Kebaak Kumi ko Rej Jerbal Ibben Doon ilo Jukjukinbed ilo community.outreach@dhsosha.state.or.us ak ilo am kūrlok 1-833-647-3678. Kimij ebōk aolep kall ko rej itok kin kein jibañ ak kwōmaroñ jibed 711.